

**Bosna i Hercegovina**  
**Federacija Bosne i Hercegovine**  
**Bosansko – podrinjski kanton Goražde**  
**MINISTARSTVO ZA FINANSIJE**

# ***P R A V I L N I K***

*o izmjenama i dopunama Pravilnika o unutrašnjoj organizaciji i  
sistematizaciji radnih mjesta u Ministarstvu za finansije  
Bosansko – podrinjskog kantona Goražde*

**Goražde, juni 2006.godine.**

Na osnovu člana 52. stav 1. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine“ broj: 35/05), Ministar za finansije uz saglasnost Vlade Bosansko-podrinjskog kantona Goražde **d o n o s i :**

## ***P R A V I L N I K***

### ***o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za finansije Bosansko-podrinjskog kantona Goražde***

#### **Član 1.**

Ovim Pravilnikom u skladu sa Zakonom o državnoj službi u Federaciji Bosne i Hercegovine (“Službene novine Federacije BiH “ broj: 29/03,23/04,39/04,54/04,67/05 i 8/06 ), Zakonom o namještenicima u organima državne službe u Federaciji Bosne i Hercegovine (“Sl.novine Federacije BiH” broj: 49/05), Zakonom o organizaciji organa uprave u Federaciji Bosne i Hercegovine (“Sl.novine Federacije BiH” broj: 35/05), Zakonom o kantonalnim ministarstvima i drugim tijelima Kantonalne uprave Bosansko - podrinjskog kantona Goražde (“Službene novine Bosansko - podrinjskog kantona Goražde” broj: 5/03), Uredbom o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa (“Sl.novine Federacije BiH” broj: 35/04) i Uredbom o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici (“Sl.novine Federacije BiH” broj: 69/05), utvrđuju se izmjene i dopune Pravilnika o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-341/06 od 20.01.2006. godine.

#### **Član 2.**

U Pravilniku o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-341/06 od 20.01.2006. godine član 8. se dopunjuje tako što se iza tačke 13. dodaje se tačka 14. koja glasi:

#### **14. Pripravnik – Diplomirani ekonomista**

-izvršava poslove i radne zadatke u skladu sa zakonom i prema Programu koji sačini Ministar za finansije

USLOVI: VSS, završen Ekonomski fakultet (VII stepen)  
BROJ IZVRŠILACA: 1

### **Član 3.**

Član 9. se dopunjuje i iza tačke 4. dodaje se tačka 5. koja glasi:

#### **5. Pripravnik – Diplomirani ekonomista**

-izvršava poslove i radne zadatke u skladu sa zakonom i prema Programu koji sačini Ministar za finansije

USLOVI: VSS, završen Ekonomski fakultet (VII stepen)

BROJ IZVRŠILACA: 1

### **Član 4.**

Član 10. se dopunjuje i iza tačke 5. dodaje se tačka 6. koja glasi:

#### **6. Pripravnik – Diplomirani ekonomista / Diplomorani inženjer elektrotehnike - odsjek informatika**

-izvršava poslove i radne zadatke u skladu sa zakonom i prema Programu koji sačini Ministar za finansije

USLOVI: VSS, završen Ekonomski fakultet (VII stepen) uz poznavanje informatike ili Elektrotehnički fakultet – odsjek informatika (VII stepen)

BROJ IZVRŠILACA: 1

### **Član 5.**

U članu 21. briše se stav 5. tako da član 21. sada glasi:

Lica određenih kvalifikacija za kojima postoji potreba u Ministarstvu, koja nemaju potrebnu praksu u struci i položen stručni ispit primaju se u radni odnos na određeno vrijeme kao pripravnici.

Pripravnici sa visokom školskom spremom se zapošljavaju na osnovu javnog konkursa kojeg objavljuje Agencija za državnu službu (u daljem tekstu: Agencija) a pripravnici sa višom i srednjom školskom spremom se zapošljavaju takođe putem javnog konkursa u skladu sa zakonom.

Pripravništvo za državne službenike traje godinu dana nakon čega pripravnik stiče pravo prijave na javni konkurs u skladu sa zakonom, za prijem državnih službenika u radni odnos na neodređeno vrijeme.

Pripravništvo za namještenike više školske spreme traje devet a za pripravnike srednje školske spreme šest mjeseci a prijem istih u radni odnos se vrši putem javnog oglasa u skladu sa zakonom.

## **Član 6.**

Ovaj Pravilnik o izmjenama i dopunama Pravilnika o unutrašnjoj organizaciji i sistmatizaciji radnih mjesta u Ministarstvu za finansije bosansko-podrinjskog kantona Goražde stupa na snagu dobijanjem saglasnosti od Vlade Bosansko-podrinjskog kantona Goražde.

**Broj:06-34-3605-1 /06**

**MINISTAR**

**19.06.2006. godine**  
**G O R A Ž D E**

*Milenko Grujić dipl.ecc*

**NAPOMENA:** Na ovaj Pravilnik saglasnost je dala Vlada Bosansko-podrinjskog kantona Goražde, na sjednici održanoj 19.06.2006. godine svojim aktom broj 03-34-1186/06 od 19.06.2007. godine.